

16. september 2021

Inatsisartut suleriaasianni § 37 imm. 1 naapertorlugu Naalakkersuisunut apeqquq imaattoq matumuuna saqqummiuppara:

**Naalakkersuisunut apeqquq:**

1. Nuummi mittarfissap ukiumik ataatsimik kinguaattoornera Kangerlussuarmi mittarfiup iluarsartuunneqarnissaanut qanoq kinguneqassava?
2. Kangerlussuarmi mittarfiup iluarsaanneqarnissaata kingusinnerusukkut aatsaat allartinneqassappat kinguarsarneqassappalluunniit akisunerulerneranik kinguneqassava?
3. Kangerlussuarmi unnuisarfiup (hotel) namminersortunngorsarneqarnissaa Naalakkersuisut qanoq isumaqarfigaat?
4. Unnuisarfiup (hotel) namminersortuniit ingerlanneqarnissaa soqutigineqarpat, mittarfeqarfinniit namminersortunut qaqugumiit tunniunneqarsinnaasoq Naalakkersuisut takorloorpaat?
5. Sakkutuunngorniarluni ilinniarfissamut Naalagaaffiup aningaasat immikkoortissimasai kr. 50 mio. Naalakkersuisut sooruna qujarutinngikkaat?
6. Sakkutuunngorniarnissamut taarsiullugu upalungaarsimanermut ilinniarfissamut atatillugu, Naalakkersuisiniit Naalagaaffimmut oqaloqatiginninnerit qaqugu aallartissappat?
7. Nunatsinni takornariaqarnikkut annertusaanissamut Kangerlussuarmi aammalu Sisimiut Kangerlussuullu akornganni aqqusineqalerneratigut periarfissatut neqeroorutigineqarsinnaasut Naalakkersuisut pitsaasutut aningaasarsiornikkullu tapertaalluarsinnaasutut isumaqarfigivaat?
8. Kangerlussuarmi mittarfiup Kalaallit airport internationalimut ilanngutsinneqarsinnaanera Naalakkersuisut qanoq isumaqarfigaat?

(Inatsisartunut ilaasortaq Erik Jensen, Siumut)

**Tunngavilersuut:**

Inatsisartut suleriaasiat §37 atorlugu apeqquteqaatinni Naalakkersuisut akissutaat: 2021 -062 aamma 2021-98 aallaavigalugit maanna apeqquteqaqqinnissannut pissusissaqarlersippaanga. Maanna saqqummiunneqarsimalerpoq Nuummi Ilulissanilu mittarfiit ammanneqarnissaat ukiumik ataatsimik kinguaattoortoq. Taamatumap kingunerisaanik suliniutinut ingerlasunut sunnuteqassanersoq paaserusunnarpoq. Aammalu ilisimaneqartutuut Kangerlussuarmi mittarfissuaq 2.815 meter-iusup (Nuummi Ilulissanilu mittarfiulersussaniit suli takinerungaartup) soq KAIR-ip iluani inissisimassannginnersoq apeqqutigerusunnarluni.

Kissaatigaara apeqquteqaatika ullut suliffiusut qulit qaangiutinnagit akineqassasut.